

四庫全書

子部

欽定四庫全書

子部

御定書畫譜卷三十七

詳校官中書臣孫衡

助教臣常循覆勘

覆校官中書臣田尹衡

校對官中書臣高中

謄錄監生臣王鍾岱

欽定四庫全書

御定佩文齋書畫譜目錄

第三十七卷

書家傳十六

元一

耶律楚材

劉秉忠

王磐

姚樞

許衡

郝經

趙孟頫

趙孟頫

趙雍

趙奕

趙鳳

趙麟

喀喇庫庫

喀喇和和

楊載

范梈

鮮于樞

鮮于去矜

鮮于端

商挺

史弼

劉賡

張孔孫

李秉彝

胡長孺

胡之綱

謝暉

熊朋來

楊桓

王惲

周馳

劉致

盧摯

仇遠

吾丘衍

趙期頤

吳叡

錢選

白珽

金應桂

吳福孫

李倜

喬簣成

王俟

張伯淳

王仲謀

宋齊彥

鄭瑤

章德懋

葉文炳

彭師立

滕野雲

姚淡如

葛元喆

哈喇

徐應虎

卞仲祥

卞瑛

卞珏

龔璠

王桂

苟宗道

濟必

阿尼哥

廉希貢

周嶷

祖子靜

夏日孜

李章

張衡

李有

曾遇

李處巽

尚師簡

高翻

程鉅夫

鄧文原

袁楠

袁衷

唐仁祖

班惟志

范元鎮

顧信

陳夢魁

史文卿

郝思溫

程泳

杜敬

趙儼

史性良

王龍澤

許復

陳曾

沈德新

姚燧

王顥

郭貫

張珪

達魯噶齊諾海

元明善

蘇爾約蘇哈雅

許謙

吳澄

何中

虞集

揭傒斯

揭泂

揭雲

黃潛

柳貫

張鐸

張範

張起巖

王士熙

王士點

王士弘

陳旅

陳繹曾

朱德潤

鄭元祐

顧安

郭畀

莊麟

蘇塏

陸友

楊益

孫履常

朱戾

皮榮

趙良佐

廖毅

吳正道

王肖翁

戚崇僧

張淵

伊魯布哈

鄭銳

許師敬

姚慶

張恕

魏必復

廉簡

牛師厚

高昉

姚子敬

沈璜

鄭東

楊希賢

周仁榮

薛漢

薛植

金定四庫全書

卷三十七目錄

欽定四庫全書

御定佩文齋書畫譜卷三十七

書家傳十六

元一

耶律楚材

耶律楚材字晉卿博極羣書下筆為文若宿構者貞祐二年辟為左右司員外郎太祖定燕聞其名召見之處之左右太宗即位拜中書令贈太師上柱國追封廣寧

郡王謚文正

元史本傳

耶律文正晚年所作字畫尤勁健如鑄鐵所成剛毅之

氣至老不衰

宋學士集

劉秉忠

劉秉忠字仲晦初名侃因從釋氏又名子聰邢人世祖在潛邸應對稱旨屢承顧問至元元年拜光祿大夫位太保封趙國公謚文正又進封常山王自幼好學至老不衰雖位極人臣而齋居蔬食不異平昔自號藏春散

人
元史本傳

秉忠楷書以魯公筆法為正草書則取二王以為專門

之學
藏春集

徐世隆祭太保劉公文云字畫清勁筆中法具誰其似

之黃山文孺
元文類

秉忠精天大地理算數推步之學兼工書翰
書史會要

王磐

王磐字文炳廣平永年人金正大中登進士第至元元

年召入翰林兼太常卿進拜承旨性嗜書晚年益造精妙筆意簡遠神氣超邁自名一家持鯁素求書者繼踵於門應之不少拒

蘇天爵國朝名臣事略

姚樞

姚樞字公茂

陶宗儀云號雪齋

柳城人後遷洛陽為燕京行臺

郎中棄官携家來婺州篆刺諸經以惠學者讀書鳴琴

若將終身世祖在潛邸召樞至大喜待以客禮世祖即

位拜太子太師十三年拜翰林學士承旨謚曰文獻

元

史本傳

姚樞善草書

書史會要

許衡

許衡字仲平懷之河內人嗜學如飢渴貧無書嘗從日者家見書疏義曰請寓宿手抄歸世祖出王秦中召為京兆提學即位進為平章政事十年以為集賢大學士無國子祭酒贈司徒謚文正公

元史本傳

許衡習字必以顏魯公為法

耶律有尚國學事跡

郝經

郝經字伯常澤之陵川人世祖以太弟開藩徵經入見
即位以為翰林侍讀學士佩金虎符充國信使齎書入
宋通好拘之真州至元十一年伯顏南伐乃禮而歸之
累贈昭文館大學士司徒冀國公謚文忠

元史本傳

經字畫天姿高古取衆人所長以為已有故其筆畫俊
逸遒勁似其為人無傾側頗媚之態為當代名筆

荀宗

道郝公行狀

趙孟頫

趙孟頫字子昂

楊載趙公狀云扁燕處曰松雪齋自號松雪道人

宋太祖子秦

王德芳之後也四世祖伯圭賜第湖州為湖州人幼聰明讀書過目輒成誦為文操筆立就至元中搜訪遺逸授兵部郎中遷集賢直學士延祐三年拜翰林學士承旨榮祿大夫帝嘗與侍臣論文學之士以孟頫比唐李白宋蘇子瞻封魏國公謚文敏孟頫篆籀分隸真行草書無不冠絕古今遂以書名天下天竺有僧數萬里來

求其書歸國中寶之

元史本傳

公性善書專以古人為法篆則法石鼓詛楚隸則法梁鵠鍾繇行草則法逸少獻之不雜以近體

楊載翰林學

士趙公狀

魏公書凡三變初臨思陵中學鍾繇及羲獻諸家晚學

李北海

宋漁潛溪集

鮮于樞云子昂篆隸正行顛草為當代第一小楷又為

子昂諸書第一

鮮于樞困學齋集

張伯雨跋子昂過秦三論曰後世誰知公落筆如風雨
蓋子昂一日能書一萬字也

董其昌容臺集

吳興趙文敏公始事張即之得南宮之傳而天姿英邁
積學功深盡掩古人超入魏晉當時翕然師之康里平
章子山得其奇偉浦城楊翰林仲弘得其雅健清江范
丈白公得其灑落仲穆造其純和

解縉書學傳授

趙孟頫

趙孟頫字子俊

孟頫弟孟頴先侍郎所表云
孟頫承務郎同知南劍州

亦工書殊

得公之家傳

書史會要

趙雍

趙雍孟頫子

陶宗儀云字仲穆官至集賢待制同知湖州路總管府事

以書畫知名

元史趙孟頫傳

雍工真行草篆篆法二李而清勁有餘真行草法魏公
公嘗為幻住菴寫金剛經未半雍足成之其聯續處人
莫能辨於此見其得家傳之秘

書史會要

趙奕

趙奕字仲光雍之弟隱居不仕日以詩酒自娛工真行

草書其合作者可與魏公亂真

書史會要

仲光書雖不脫文敏家法而行墨結字微有不同

文徵

明甫田集

趙鳳 趙麟

趙鳳字允文麟字彥徵

俱雍子

亦習書更益以工便可造

父之域

書史會要

喀喇庫庫

喀喇庫庫字子山

陶宗儀云號正齋恕叟

博通羣書始授集賢待

制順帝時為翰林學士承旨善真行草書識者謂得晉

人筆意單牘片紙人爭寶之不翅金玉謚文忠

元史本

傳

庫庫刻意翰墨正書師虞永興行草師鍾太傅王右軍

筆畫道媚轉摺圓勁名重一時評者謂國朝以書名世

者自趙魏公後便及公也

書史會要

子山嘗問客一日能寫得幾字客曰聞趙學士言一日

可寫萬字公曰余一日寫三萬字未嘗以力倦而輟筆

陶宗儀輟耕錄

子山書從大令來旁及米南宮神韻可愛

何良俊四友

齋叢說

喀喇和和

喀喇和和字子淵庫庫兄嗜學能文在成宗朝宿衛擢太常寺少卿文宗立除宣政院使擢中書右丞與弟庫

庫皆為名臣世號為雙壁云

元史本傳

回回正書宗顏魯公甚得其體

書史會要

楊載

楊載字仲弘其先居建之浦城後徙杭因為杭人博涉羣書為文有跌宕氣以布衣召為翰林國史院編修官延祐初登進士第授饒州路同知遷寧國路總管府推官

官

元史本傳

浦城楊翰林仲弘師趙文敏公得其雅健

解縉書學傳

授

范梈

范梈字亨父一字德機清江人耽詩工文以朝臣薦為翰林院編修官天歷二年授河南嶺北道廉訪司經歷所著詩文多傳於世

元史虞集傳

梈工篆隸吳興趙文敏公曰范德機我固當避之若其楷法人亦罕及

揭文安公集

鮮于樞

鮮于樞字伯機號困學民漁陽人官至太常寺典簿酒

酣驚放吟詩作字奇態橫生善行草趙文敏極推重之

小楷類鍾元常

書史會要

鮮于公早歲學書媿未能如古人偶適野見二人輓車

行淖泥中遂悟書法

蘇天爵滋溪集

王庭筠擅名於金傳子澹游至張天錫元初鮮于樞得

之

解縉書學傳授

鮮于困學書名在當時與趙吳興鄧巴西各雄長一方

困學多為草書其書從真行來故落筆不苟而點畫所

至皆有意態

抱翁家藏集

書法敝於宋季元興作者有功而以趙吳興鮮于漁陽

為巨擘終元之世出入此兩家

陸深儼山集

鮮于去矜

鮮于去矜字必仁號苦齋樞之子書得家法

書史會要

鮮于端

鮮于端字文肅樞之孫書跡不失家學

書史會要

商挺

商挺字孟卿曹州濟陰人與元好問楊奐遊世祖在潛
邸聞挺名遣使徵至鹽州入對稱旨至元六年同僉樞
密院事八年陞副使有詩千餘篇尤善隸書贈魯國公
謚文定 元史本傳

史弼

史弼字君佐

陶宗儀云號
紫微老人

一名塔刺渾蠡州博野人中

統末授金符管軍總管元貞元年同知樞密院事三年

陞平章政事封鄂國公

元史本傳

史弼書師晉人亦善大字

書史會要

劉賡

劉賡字熙載洺水人至元十三年授國史院編修官至
大三年拜翰林學士承旨言語字畫人敬而寶之

道園

學古錄

張孔孫

張孔孫字夢符

陶宗儀云
濟南人

世祖時拜侍御史行御史臺

事

元史本傳

孔孫書宗王黃華

書史會要

李秉彛

李秉彛字仲常世家大都通州潞縣穎悟好學十歲能習古篆隸世祖至元初官工部尚書兩浙轉運使嘗名其室曰閑邪世稱閑邪公

周馳閑邪公傳

胡長孺

胡長孺字汲仲

陶宗儀云號石塘

婺州永康人至元二十五年

召見內殿拜集賢修撰改教授揚州至大元年轉台州

路寧海縣主簿

元史本傳

長孺耿介不同於俗下筆言語妙天下正書學鍾繇剛

勁骨立似其人也

書史會要

胡之綱

胡之綱字仍仲

長孺從兄

嘗被薦書其於聲音字畫之說自

獨造其妙惜其書不傳

元史胡長孺傳

謝暉

謝暉字彥實受業胡長孺之門趙文敏見而愛之授以

書法詩文簡淡雋永作字亦有法人以得其尺牘片紙

為榮

張時微寧波志

熊朋來

熊朋來字與可

陶宗儀云自號彭蠡釣徒

豫章人薦為閩海提舉儒

學官而朝廷以東南儒學之士唯福建廬陵為最盛特

起朋來連為兩郡教授所至考古篆籀文字晚以福清

州判官致仕學者稱為天慵先生

元史本傳

往者鶴山魏公嘗以篆法寓諸隸體最為近古近時豫

章熊先生亦用之

道園學古錄

楊桓

楊桓字武子兗州人由濟寧路教授召為太史院校書郎至元三十一年拜監察御史有得玉璽者桓辨識其文曰受天之命既壽永康即為文述璽始末成宗即位陞祕書少監博覽羣籍尤精篆隸之學著六書統六書沂源書學正韻行于世

元史本傳

楊桓善大小篆嘗著六書統以詔書刻之尚方篇帙浩

穰學者莫之能究

書史會要

王惲

王惲字仲謀衛州汲縣人好學善屬文以選至京師擢為中書省詳定官轉翰林修撰同知制誥至元二十九

年授翰林學士追封太原郡公謚文定

元史本傳

天慶寺碑至元九年學士王惲撰并書

春明夢餘錄

周馳

周馳字景遠聊城人官至僉燕南廉訪司事經術瞻逸

行草師二王婉約豐妍

書史會要

劉致

劉致字時中河東人官至翰林待制風情高簡早負聲譽能篆有所著復古糾繆編行于世行草宗晉人而不

純熟

書史會要

盧摯

盧摯字處道號疎齋涿郡人官至翰林學士元初稱能

詩以摯為首亦能書

書史會要

仇遠

仇遠字仁近號山村錢塘人

續弘簡錄云官溧陽教授

好古博雅楷

書學歐

續弘簡錄云行書亦善書史會要

吾丘衍

吾丘衍字子行太末人家於錢塘嗜古學通經史百家

言工於篆籀其精妙不在秦唐二李下性放曠不事檢

束眇左目左足跛而風度特醞藉每以郭忠恕自比自

號貞白處士所著有周秦刻石音釋學古編篆籀之學

至宋季其敝極矣子行始倡其說以復于古而吳興趙
文敏公實和之其學乃大明得其傳以名世者宛丘趙

子奇濮陽吳孟思

王禕忠文公集

衍工隸書尤精於小篆

潛溪集

趙期頤

趙期頤字子奇汴梁人官至陝西行臺治書工於篆

書

史會要

宛丘趙期頤以書名世得之吾衍者為多

潛溪集

期頤篆迹渾璞高古以禹碑周鼓為宗無一筆陽冰擇

木

六硯齋筆記

吳叡

吳叡字孟思杭州人少好學工翰墨尤精篆隸凡歷代古文款識制度無不考究得其要妙下筆初若不經意而動合矩度識者謂吾子行趙文敏不能過也自號雪

濤散人

劉基履齋集

吳叡工小篆勻淨道逸亦能品也

六研齋二筆

錢選

錢選字舜舉號玉潭

見畫家傳

雪川人宋景定間鄉貢進士

元初有八俊之號以子昂為稱首而舜舉與焉及子昂

被薦登朝諸公亦相附取宦達獨舜舉齟齬不合流連

詩畫以終其身

湖州府志

錢舜舉小楷亦有法但未能脫去宋季衰蹇之氣

書史

會要

白珽

白珽字廷玉錢塘人官至婺州路蘭溪州判官所居西湖有泉自天竺來及門而滙楊之曰湛淵因以自號晚歸老栖霞又號栖霞山人長於詩文翰墨雖其餘事亦有晉魏風

潛溪集

白珽書學米元章

書史會要

金應桂

金應桂字一之號蓀壁錢塘人能詞章宋季為縣令元隱居風篁嶺書學歐陽詢築蓀壁山房左絃右壺中設

圖史古器容至清談灑灑不休每肩輿入城幅巾氅衣
望之若神仙云

陳善杭州志

吳福孫

吳福孫字子善杭州人效趙文敏公書得其早年楷法
之妙兼工篆籀文敏極稱許之阿榮大學士以其所作
小楷書數萬字上進因得召見巉巉學士方侍書於閣
中前奏曰臣濫得能書名如吳福孫所書雖臣亦有所
不及上頷之命侍臣引金鍾酌酒以賜至正六年授松

江上海縣主簿自號清容野叟

黃文獻公集

李侗

李侗字士弘河東太原人

圖繪寶鑑云號員嶠真逸官至集賢侍讀學士

好學

尚氣劬神苦思務求博洽而後已故其游戲筆墨皆超

悟不羣

鐵網珊瑚

集賢學士河東李公士弘以好書名天下稍暇則取晉

右軍縱筆擬為之所居山房之牕壁几榻硯席諸供具

花物皆奕奕有晉氣由是以擬晉題其顏

戴表元剡源

集

喬簣成

喬簣成字達之號中山

周密雲烟過眼錄

喬簣成見右軍千嘔帖朱巨川告跋書法不能佳而攷
據頗精洽據此書尾謂早歲苦吏事叢脞不為詩當亦
是邑州判官也

弇州續稿

王侯

王侯不知何許人嘗僉浙東廉訪司事書蘭亭書院扁

其姓名乃與宋王侯書蘭亭扁者同

書史會要

全楚卿捨天章寺旁菴田三十畝為蘭亭書院其扁乃
庶訪分司王侯書之

周密癸辛雜錄

張伯淳

張伯淳字師道杭州崇德人

虞集張師道文稿序云與吳興趙公子昂為中表人

物相望

少舉童子科尋舉進士至元二十三年薦授杭州

路儒學教授大德四年拜侍讀學士

元史本傳

伯淳少善書法應童子科給巨筆大紙寫字伯淳書天

字以進詰之對曰惟天為大惟堯則之

養蒙先生集

王仲謀 宋齊彥

王仲謀 宋齊彥

與趙孟頫同時

王士熙云淇上王仲謀上黨宋

齊彥吳中趙子昂三家世皆稱善書者

元文類

鄭瑤

鄭瑤字彥英與趙魏公同時其書甚相類

書史會要

章德懋

章德懋與趙魏公同時專學公草書每與公代筆以應

求者之責

書史會要

葉文炳

葉文炳未詳何許人陳子振有詩贈之云墨妙當今亞

子昂

劉璋書畫史

彭師立

彭師立不知何許人趙文敏公嘗贈詩云學書工拙何足計名世不難傳後難當有深知書法者未容俗子議其間蓋勉其學書也

書畫史

滕野雲

滕野雲不知何許人能詩善書趙松雪贈詩云間吟淵

明詩靜學右軍字

書畫史

姚淡如

姚淡如

見畫家傳

王逢贈詩云淡如早歲名家駒學士趙公

坐以隅大歷詩指授永和帖鈎摹

梧溪集

葛元喆

葛元喆工書法與趙文敏並稱為撫州令私謚文貞先

生撫州志

哈喇

哈喇字元素伊囉勒昆人登進士第官至中政院使能

文辭其書宗子山氏

書史會要

徐應虎

徐應虎人稱文蔚先生通諸經長于詩且善書立碑碣者多求焉鮮于樞極器重之

潛溪集

卞仲祥

卞仲祥能詩詞善書法結交名勝與周景遠馳劉時中
致友愛

狄斯彬野志續編

卞瑛 卞珏

卞瑛字仲玉仲祥孫能書弟珏字仲寶亦能書

野志續編

編

龔璠

一作龔肅

龔璠字子敬自高郵徙平江刻苦于學戴帥初仇仁近

胡汲仲皆與為忘年交官至儒學副提舉

存悔齋集

龔璠書有晉宋人法度

書史會要

王桂

王桂字仲芳自號月溪婺之東陽人為文有前輩典刑
尤工于歌詩樂府駢四儷六之語善楷書端勁方嚴得
顏柳遺法元初署處州麗水縣主簿受而不赴

黃文獻

公集

苟宗道

苟宗道字正甫保定人弱冠從郝經往為書佐及歸竟

以儒名家官至國子祭酒詩文書法皆具晉唐風致

續

弘簡錄

濟必

濟必幼嗜讀書習翰墨至元十四年監東平多善政嘗
出家藏書二千餘卷置東平廟學使學徒講肄之尋授
江南湖北道提刑按察使改浙西

元史塔塔爾公傳

阿尼哥

阿尼哥

陶宗儀云
字西軒

尼波羅國人也至元十五年授光祿

大夫大司徒領將作院事贈太師開府儀同三司涼國

公上柱國謚敏慧

元史本傳

阿尼哥善大字

書史會要

廉希貢

廉希貢字蘇林畏吾人官至昭文館大學士封薊國公

善扁榜大字

書史會要

周疑

書史會要
作周仲疑

周疑蘄黃人博識古文於篆隸尤癖嗜遠近碑刻藉手

以為寶重然有求書者或非聖賢理道雖百計懇率不與儒者以是多之故所行世亦絕少

續弘簡錄

祖子靜

祖子靜吳人習篆師二李

書史會要

夏日孜

夏日孜字仲善吉安人登進士第官會稽縣尹楷學顏

魯公

書史會要

李章

李章字君章東平人性通簡書法亦可尚

書史會要

張衡

張衡字士衡樂陵人官至中書省員外郎少以才學知

名草書師張長史

書史會要

李有

李有字仲芳燕人官至兩浙都轉運鹽使司經歷通雅

博暢尤工古隸

書史會要

曾遇

曾遇字心傳華亭人官至吉安主簿前至元末被選入

京書泥金字藏經

書史會要

李處巽

李處巽字元讓東平人至元間能小篆

書史會要

尚師簡

尚師簡

世祖時人

渤海郡侯歐陽公神道碑巖巖書大奎章

閣學士院承旨學士尚師簡奉勅篆額

圭齋集

高翺

高翻

世祖時人

元篆書道德經碑高翻書李道謙稱翻善於

古篆此書雜出頡籀欵識古文大小二篆

石墨鐫華

程鉅夫

程鉅夫名文海以字行

陶宗儀云號雪樓

其先自徽州徙郢州

京山後家建昌世祖時授宣武將軍管軍千戶他日召

見應奉翰林文字尋進翰林修撰大德八年拜翰林學

士追封楚國公謚文憲

元史本傳

鉅夫字體純正下筆暗合書法亦工大字

書史會要

鄧文原

鄧文原字善之一字匪石

陶宗儀云稱素履先生

綿州人至元二

十七年辟為杭州路儒學正至治二年召為集賢直學士兼國子監祭酒贈江浙行省叅知政事謚文肅

元史

本傳

鄧文原正行草書早法二王後法李北海虞大靖云大德延祐間漁陽吳興巴西翰墨擅一代黃文獻奉勅撰公神道碑云工於筆札與趙魏公齊名

書史會要

袁楠

袁楠字伯長慶元人大德初薦為翰林國史院檢閱官
陞應奉翰林文字至治元年遷侍講學士朝廷制冊勛
臣碑銘多出其手贈中書省參知政事追封陳留郡公

謚文清

元史本傳

袁楠書從晉唐中來而自成一家

書史會要

袁清容書快利沈頓亦是誠懸兒孫

恬致堂集

袁裒

袁衷字德平與伯長為族兄弟善書法隱沙家山

袁楠

清容居士集

唐仁祖

唐仁祖字壽卿畏兀人祖曰唐古直子孫因以唐為氏

成宗尊太母元妃為皇太后以仁祖善書特勅書冊文

大德五年授翰林學士承旨追封洹國公謚文貞

元史

本傳

班惟志

班惟志字彥功一作恭號恕齋大梁人官至集賢待制江

浙儒學提舉初徽仁裕聖皇后以泥金寫大藏經鄧文

肅舉惟志入經局補州教授累官至今任早歲宗二王

筆勢翩翩不失書家法度晚年學黃華應酬塞責俗惡

可畏太宗嘗評其書如醉漢罵街

書史會要

惟志行書清健出塵不在趙王孫下

袁中道游居錄

范元鎮

范元鎮字元亨其先蜀人居安福元貞初詔求能書金

經者元鎮在選中經成補湖南椽累遷郴州桂陽尹

元

大類

顧信

顧信字善夫

劉璋云
鹿山人

元大德初為浙江軍器提舉以能

書稱從趙文敏公遊得其書必鐫於石作亭扁曰墨妙

晚年號樂善處士

六研齋二筆

陳夢魁

陳夢魁字希元登咸淳甲戌進士大德末興校嶧縣庠

留意書法嘗得王右軍執筆圖懸腕者二腕就几者一能依其執筆隨意所之略無滯礙

王肯堂鬱岡齋筆麈

史文卿

史文卿字景賢自號石窓山樵泊然宦意翰墨清灑

表

楠清客居士集

郝思溫

郝思溫號東山雪菴高弟何中有郝思溫大字歌云座鶴銘摩厓碑後來者誰誰繼之我嘗見龍溪之字大如

箕五百年間無此奇雪菴老東山子優鉢曇花重現世
崑崙以為筆東溟以為硯青天以為紙為我寫太平兩
大字持獻天皇九九八十一萬歲

何中知非堂稿

程泳

程泳字孟游號友山世居休寧書得顏柳楷法

定宇先

生集

杜敬

杜敬字行簡汴人至元大德間朝廷講求禮樂之事敬

與其友張君錫寓居于杭於時集賢柴貢父尚書高彥敬都曹鮮于伯機承旨趙子昂侍讀鄧善之尤善鑒古有清裁敬與之上下其議論延祐初朝廷首起君錫為太樂署正次及行簡行簡善鼓琴知音律尤長于書喜蓄古人墨蹟大冠長裾優游湖山文酒間晚號夷門老人

杭州志

趙儼

趙儼字子威真定人官至翰林學士善古隸

書史會要

史性良

史性良字顯甫鄆城人官至中書平章政事書有晉人

法度亦能大字

書史會要

王龍澤

王龍澤

成宗時人

余邨玉皇觀壁間松菴二隸字是大德間

狀元王龍澤所書頗極奇偉

金陵瑣事

許復

許復

成宗時人

都城隍廟碑立于元貞元年正月韓從政撰

文許復書

緬素錄

陳曾

陳曾字守約閩人黃慶翁菊山說大德丙午陳曾書

珊

瑚網

沈德新

沈德新

成宗時人

元艮山土神廟碑大德己亥紹興路儒學

錄古杭沈德新記并書

廖瑜杭州府志碑碣目

姚燧

姚燧字端甫

樞從子陶宗儀云號牧闇

武宗時為翰林學士承旨謚

曰文燧之學有得于許衡為世名儒為文閑肆談洽春

容盛大西漢風

元史本傳

燧以文章名海內書宗顥素

書史會要

吳萊題姚文公草書云我公宴坐展詩史燈下搦管草

數行鸞鳳盤回恣舞躍蛟龍倔強高騰驤

淵穎集

王顥

王顥

與姚燧同時

姚燧李平章畫像序云李道復日侍講讀

嘗召畫工肖其形賜號秋谷命集賢大學士王顯大書之手刻為扁而署其上

元文類

郭貫

郭貫字安道保定人延祐二年拜中書參知政事至治元年為集賢大學士追封蔡國公謚文憲精于篆籀當世冊寶碑額多出其手

元史本傳

張珪

張珪字公端自號澹菴大德三年拜江南行臺御史武

宗即位召拜中丞延祐二年拜中書平章政事封蔡國

公元史本傳

公端學書腕力尤健端重嚴勁無慚筆諫之臣

道園學

古錄

達魯噶齊諾海

書史會要
作那海

達魯準台氏人字德卿蒙古耐溫台氏罷福州親軍千

戶延祐六年遷武略將軍鎮撫鎮江萬戶書法本魯公

作大字徑數尺許皆端勁有體

特彬廣平府志

元明善

元明善字復初清河人弱冠遊吳中已名能文章薦為
安豐建康兩學正仁宗居東宮擢為太子文學及即位
改翰林待制延祐中陞翰林學士追封清河郡公謚曰

文敏

元史本傳

明善書體純熟守李北海矩度

書史會要

蘇爾約蘇哈雅

蘇爾約蘇哈雅其父名袞濟格以貫為氏復以酸齋自

號仁宗在東宮選為說書秀才踐阼拜翰林侍讀學士
辭還江南晚年為文日邃詩亦沖淡草隸等書稍取古
人之所長變化自成一家所至士大夫從之若雲得其
片言尺牘如獲拱璧贈集賢學士追封京兆郡公謚文
靖

元史本傳

酸齋富文學工翰墨其名章俊語流于豪端者怪怪奇
奇若不疑滯于物即其書而知其胸中之所養矣

書史

會要

許謙

許謙字益之金華人受業金履祥之門盡得其所傳其
他若天文地理典章制度食貨刑法字學音譜醫經術
數之說亦靡不該貫延祐初居東陽八華山學者翕然
從之嘗以白雲山人自號世稱為白雲先生賜謚文懿
元史本傳

吳澄

吳澄字幼清

陶宗儀云
晚稱伯清

撫州崇仁人左丞董士達薦澄

有道擢應奉翰林文字英宗即位起遷翰林學士所居草屋數間程鉅夫題曰草廬故學者稱之為草廬先生

贈江西行省左丞臨川郡公謚文正

元史本傳

吳澄深究六書之義直用篆法而結體加方以成一家之法

書史會要

何中

何中字太虛撫之樂安人以古學自任同郡吳澄揭傒斯皆推服之至順二年岳柱聘為龍興郡學師

元史本

傳

卷三十七

吳澄送何太虛北游詩序云太虛善書工詩綴文研經
修于已不求人知

元文類

虞集

虞集字伯生宋丞相允文五世孫從吳澄遊授受具有
源委大德初以薦授大都路教授文宗在潛邸已知集
名既即位除奎章閣侍書學士贈江西行中書省參知
政事護軍封仁壽郡公闢書舍為二室左室書陶淵明

詩於壁題曰陶菴右室書邵堯夫詩題曰邵菴故世稱

邵菴先生

元史本傳

虞集真行草篆皆有法度古隸為當代第一

書史會要

康里庫庫評虞仁壽札謂其雄劔倚天長虹駕海不無曲

筆又謂如鶯雛出巢神彩可愛頡頏未熟斯則得之

余

州山人續稿

揭傒斯

揭傒斯字易碩龍興富州人早有文名延祐初授翰林

國史院編修官元統初陞集賢學士再陞侍講學士贈
護軍追封豫章郡公謚曰文安善楷書行草朝廷大典
冊及元勲茂德當得銘辭者必以命焉

元史本傳

揭傒斯正行書師晉人蒼古有力

書史會要

傒斯楷法精健閒雅行書尤工國家典冊及功臣家傳
賜碑遇其當筆往往傳誦于人四方釋老氏碑版購其
文若字表及殊域

圭齋集

揭泐

揭泐字伯防僊斯子以蔭補祕書郎遷國史編修官歷

官至肅政廉訪司事守建寧

寧波府志

揭泐正書得用筆意

書史會要

揭雲

揭雲字之德文安孫正書學智永

書史會要

黃潛

黃潛字晉卿婺州義烏人延祐二年進士第授台州寧海丞入為應奉翰林文字同知制誥陞侍講學士贈江

西等處行中書省參知政事追封江夏郡公謚曰文獻

元史本傳

潘筆札俊逸類薛嗣通

危素說學集

黃潛書宗薛晉公而自成一家危承旨嘗云吾平生學

書所讓者黃晉卿一人耳

書史會要

柳貫

柳貫字道傳浦陽人始用察舉為江西儒學教諭仕至翰林待制與黃潛及臨川虞集豫章揭傒斯齊名人號

為儒林四傑

元史黃潛傳

柳貫善楷法工篆籀妙處不減李陽冰

宋滬浦陽人物

志

柳貫於大字得體

書史會要

柳道傳行書縱橫道逸亦鮮于之亞也

六研齋二筆

張鐸

張鐸

起巖之祖歐陽玄齊郡張公先世碑
云字宣卿一字仲宣號黃臺野客

東昌錄事判

官

元史張起巖傳

宣卿工書得黃豫章米襄陽筆法

圭齋集

張範

張範

起巖之父歐陽玄齊郡張公先世碑云字儀甫號孟齋

四川行省儒學副提

舉

元史張起巖傳

範善吟咏富著述能大小篆隸行楷皆道勁有體

圭齋

集

張起巖

張起巖字夢臣弱冠以察舉為福山縣學教諭中延祐

乙卯進士除同知登州事改集賢修撰拜翰林承旨學士謚曰文穆博學有文善篆隸

元史本傳

王士熙

王士熙字繼學東平人官至江東廉訪使贈中書平章政事封趙國公風流蘊藉為名流所慕書法亦清潤完整

書史會要

王士點

王士點字繼志士熙之弟官至四川雲南廉訪副使善

大字亦能篆

書史會要

王士弘

王士弘與虞集同時重修方山定林寺碑虞集撰王士

弘書

玄牘記

陳旅

陳旅字衆仲興化莆田人虞集見其所為文延至館中

朝夕以道義學問相講習自謂得旅之助薦除國子助

教遷國子監丞

元史本傳

旅善古隸行楷亦有法

書史會要

陳繹曾

陳繹曾字伯敷

胡雲峯集作伯孚

處州人諸經註疏多能成誦

文辭汪洋浩博官至國子助教

元史陳旅傳

繹曾學識優博真草篆隸俱通習之各得其法

書史會

要

陳伯孚善飛白如塵縷遊絲秋蟬春蝶

胡雲峯集

朱德潤

朱德潤字澤民吳郡人

見畫家傳

官征東儒學提舉

書史會

要

德潤文采斌鬱字畫道亦頡頏鮮趙

六研齋三筆

鄭元祐

鄭元祐字明德遂昌人兒時乳嫗提攜右臂脫骭左手
寫楷書規矩備至世稱一絕又自名尚左生至正十七
年授平江路教授陞江浙儒學提舉

蘇大年遂昌先生

鄭君墓志銘

顧安

顧安字定之東淮人

見畫家傳

為泉州路判官大字遒勁法

趙承旨

唐東圖玄覽

郭昇

郭昇字天錫

雲煙過眼錄云字佑之號北山見畫家傳

丹徒人為饒州路鄱

江書院山長調平江路吳江州儒學教授未上江浙行

省辟充掾史書法出入趙文敏

林魁鎮江府志

莊麟

莊麟字文昭江東人居京口書畫詩文亦婉雅與郭昇

齊名

鎮江府志

蘇壇

蘇壇字伯清眉山人至大元年為寧波教授善書工詞

藻德望偉然

張時徹寧波志

陸友

陸友字友仁

墨史云自號研北生

博雅好古工漢隸八分書尤能

鑒辨三代漢魏而下鍾鼎銘刻晉唐法書名畫皆有精

識嘗至都下虞奎章柯博士皆善其書言於上未及任

用而歸

張昶吳中人物志

友仁追踪石經欲與蔡鍾相上下嘗書八分小篆歌如

昆刀切玉不見形迹而剛強之氣溫潤之質望之儼然

墨史

陸友好古博雅真草篆隸皆有法

書史會要

楊益

楊益

陶宗儀云
字友直

洛陽人歷行臺御史轉員外郎出府南

雍

道園學古錄

虞集贈詩云洛陽楊友直字擬漢中郎

同上

楊益古隸學廬江太守碑亦能篆

書火會要

孫履常

孫履常臨川人虞集環翠亭記云臨川李氏作亭曰環翠其鄉先生孫君履常氏書程伯子所賦環翠亭詩於

其上

道園學古錄

朱侯

朱侯

與虞集同時

虞集題其所臨智永千文云國朝吳興趙

公遂擅一代學者瀾倒忽見朱侯作此古法令人執卷

惘然

道園學古錄

皮榮

榮字維禎清江人

虞集之甥

以文學稱于鄉翰墨似舅氏

道園學古錄

趙良佐

趙良佐字子有喜讀書善行草

吳萊洲類集

廖毅

廖毅字弘道建康人能書善為文

淵穎集

吳正道

吳正道番陽人世為儒家深好篆學著六書淵源字偏旁辨誤存古韻譜等書吳文正為序之

書史會要

王肖翁

王肖翁字傳朋金華人起家衢婺二郡儒學錄大德中陞婺郡儒學正以松江府判官致仕高懷雅興一寓于

詩而尤善筆札論者謂其酷似吳傅朋短章醉墨人爭

寶愛之

黃文獻公集

戚崇僧

戚崇僧字仲咸金華人不以榮進為念從鄉先生許公
講道於八華山扁其室曰朝陽人稱朝陽先生以六書
之學世儒不講所傳經籍之文多致譌舛乃用古篆繕
寫易書詩儀禮春秋孝經論語大學中庸孟子將獻於
有司以儀禮一經未既弗及上

黃文獻公集

張淵

張淵字清夫

劉璋云號心遠

吳江人博學好古有詩名尤工書

法皇慶中以薦為東省提舉

松陵文獻

伊嚕布哈

伊嚕布哈

與黃潛同時

元重修學記黃潛撰文伊嚕布哈書

筆畫甚古雅

安世鳳墨林快事

鄭銳

鄭銳字景敏其先滎陽人遷浦江幼穎悟日記數千言

長明春秋暇日習詩及小楷殊有思致延祐甲寅以明

經貢于鄉

圭齋集

許師敬

許師敬

與張起巖同時

貢奎神道碑銘馬祖常奉勅制文張起

巖書字許師敬篆額

貢氏雲林集

姚慶

姚慶

與張起巖同時

天壽萬寧寺神御殿碑張起巖書姚慶篆

額

折津日記

張恕

張恕字如心浦江人舉明經歷任武陵東陽慶元學正
素與吳萊柳貫友善書體莊勁得八分之正

張應槐浦

陽人物續記

魏必復

魏必復

仁宗時人

護持天開中院記延祐三年集賢侍講學

士中奉大夫魏必復撰并書

國門近游錄

廉簡

廉簡

仁宗時人

護持天開中院記延祐三年昭文館大學士

榮祿大夫集賢院使廉簡題額

國門近游錄

牛師厚

牛師厚

仁宗時人

固安縣關侯廟扁延祐五年翰林編修官

牛師厚書

固安縣志

高昉

高昉

仁宗時人

元番君廟碑延祐六年趙孟頫書高昉篆額

弇州山人稿

姚子敬

姚子敬吳興人人品高勝其書自楊凝式上泝王大令
脩然埃壒之表

吳師道禮部集

沈璜

沈璜字伯玉元刻趙文敏集乃其所書字極精工世以
為文敏親筆非也

袁中道游居錄

鄭東 楊希賢

鄭東昆陽人楊希賢弘農人元瑞雲精舍記碑鄭東造

并書楊希賢篆額

朱珪名蹟錄

周仁榮

周仁榮字本心台州臨海人工為文章用薦署美化書院山長泰定初召拜國子博士遷翰林修撰陞集賢待制賜謚號曰康節先生

元史本傳

仁榮以文章名而楷書宗歐陽率更尤為時所重

書史

會要

薛漢

薛漢字宗海永嘉人幼力學有令譽泰定元年選國子助教詩律書楷嚴績有法而慎慙不矜

魯子輦墓志

薛漢楷書宗歐陽率更

書史會要

薛植

薛植字子立漢之子精於楷書一點畫不苟殊有率更

體格

書史會要

御定佩文齋書畫譜卷三十七

欽定四庫全書

子部

御定書畫譜卷三十八

詳校官中書臣孫衡

助教臣常循覆勘

覆校官中書臣田尹衡

校對官中書臣高中

謄錄監生臣劉清礪

欽定四庫全書

御定佩文齋書畫譜目錄

第三十八卷

書家傳十七

元二

柯九思

脫脫

也先帖木兒

趙世延

李洞

不花

濟爾噶台

楊瑀

多爾濟巴勒

杜本

歐陽玄

馮子振

段天祐

魏敬益

李孟

智受益

張德珙

牛麟

趙鳳儀

傅若金

劉聞大

許有壬

蘇天爵

王都中

王畝

張翥

汪澤民

貢師泰

台哈布哈

烏克遜良楨

余闕

道通

伯勒齊爾布哈

巴延布哈德濟

慶通

達實特穆爾

實喇卜

孟栻

石巖

李敏中

張璠

倪中

高翼

汪從善

任仁發

宗椿

余謙

謝子龍

孟昉

劉楨

胡益

羅元

錢良佑

張性之

吳壽民

崔晟

浦源

吳里

劉惟一

宣昭

鄭杓

余襄

程君寶

王翼

應在

吳炳

邊武

邊定

俞鎮

董復

李申伯

林鏞

王務道

吳志淳

洪恕

胡布

曹埜

陳遠

鄭禧

朱振

蔣惠

楊遵

王默

王餘慶

王順

繆貞

繆侃

鄔進禮

張體

陳睿

唐志大

曹永

黃中

歐復

易履

葛萬慶

衛德辰

衛仁近

章弼

陳德永

范守中

楊彝

楊惠

龔觀

陶煜

陶復初

陶宗暹

盛熙明

劉若水

劉埏

蕭搏

甘立

鄂倫圖

薩都拉

布哈特穆爾

喀喇布哈

巴克實

榮僧

烏蘭哈達

喜山

伊埒訥實哩

瓜爾佳希顏

馬九臯

馬九霄

松壑

邊魯

劉有定

謝庭芝

陳仁壽

舒頤

韓與玉

徐仁則

桂梓

林春山

趙杰

鄭琮

汪罕

陳穎達

王子玉

上官叔權

湯彌昌

堵簡

王楠

楊元正

李康

程大本

高暹

申屠澂

翟炳

王鼎

賈竹

柴貞

朱旭

成廷珪

劉堪

馮寅賓

王得貞

程棋

楊剛中

劉仁本

范庸

趙鼓

顧游

莊文昭

王敬方

吳鐸

葛裡

歐陽光

朱桓

劉彥明

欽定四庫全書

御定佩文齋書畫譜卷三十八

書家傳十七

元二

柯九思

柯九思字敬仲台州仙居人

見畫家傳

遇文宗於潛邸即位

置奎章閣特授學士院鑒書博士凡內府所藏法書名畫咸命鑒定賜牙章得通籍蒙署流寓中吳又善鑒識

金石鼎彝之器時吳人陸友號為博物亦歎以為不及
徐顯稗史集傳

柯九思能詩文亦善書

書史會要

托克托

托克托字大用天歷元年襲授成製提舉司至正元年為
中書右丞相封鄭王

元史滿濟勒噶台傳

托克托善大字

書史會要

托克托字畫方殺酷似顏真卿

圭齋集

額森特穆爾

額森特穆爾善書為御史大夫陝西行臺監察御史元

史托克托弟滿濟勒噶台傳

額森特穆爾亦能大字

書史會要

趙世延

趙世延字子敬其先雍古族人居雲中北邊天資秀發
喜讀書究心儒者體用之學弱冠世祖召見入樞密院
御史臺肄習官政授承事郎雲南諸路提刑按察司判

官天歷二年拜中書平章政事封魯國公改封涼國公

贈太保謚文忠

元史本傳

東嶽廟昭德殿碑天歷元年趙世延書

燕都遊覽志

李洞

李洞字漑之滕州人姚燧力薦於朝授翰林國史院編修官天歷初超遷翰林直學士俄特授奎章閣承制學士其為文章奮筆揮灑意之所至臻極其妙尤善書自篆隸草真皆精詣為世所珍愛

元史本傳

李洄書有晉宋家法

書史會要

布哈

布哈好讀書善書仁宗聞而召之應對稱旨欲以為翰林直學士力辭後以蔭補武備司提點天厯初除通政院判贈禮部尚書

元史楊多爾濟傳

濟爾噶台

濟爾噶台色目人寓居吳中登天厯元年進士善書法

姑蘇志

楊瑀

楊瑀字元誠錢塘人

六研齋筆記云自號竹西居士

警敏博學天歷間

召見奎章閣命篆洪禧明仁璽文稱旨署廣成局副使終建德路總管謝政居松江之鶴沙趙仲穆為寫竹西

圖

松江志

多爾濟巴勒

多爾濟巴勒字惟仲年十四見文宗適將幸上都親閱御衣命錄於簿顧左右無能書漢字者多爾濟巴勒引筆書

之命為尚衣奉御尋改工部郎中至元元年除翰林學士遷中政使拜中書平章政事喜為五古詩於字畫尤

精

元史本傳

多爾濟巴勒官中政院使日嘗奉勅書鄧文肅公神道碑書史會要

杜本

杜本字伯原清江人博學善屬文隱武夷山中文宗徵之不起右丞相托克托以隱士薦召為翰林待制至杭州

稱疾固辭致書於丞相遂不行工於篆隸學者稱為清

碧先生

元史本傳

杜本有所編五聲韻自大小篆分隸真草以至外番書

及蒙古新字靡不收錄

輟耕錄

杜本工楷隸楷書結體謹嚴全具八法隸書學漢陽馥

碑書史會要

杜公書方正嚴重如通經巨儒進止有法

陸友墨史

歐陽玄

歐陽玄字原功

陶宗儀云號圭齋

其先家廬陵遷居瀏陽延祐

二年進士授岳州路平江州同知召為國子博士至元

五年拜翰林學士承旨追封楚國公諡曰文

元史本傳

歐陽玄行草略似蘇文忠而剛勁流暢風度不凡未易

以專門之學一律議之

書史會要

馮子振

馮子振字海粟官至翰林學士雖不以書名其筆法似

宗黃山谷

劉璋書畫史

段天祐

段天祐字吉甫汴人官至江浙儒學提舉亦號能書

史會要

魏敬益

魏敬益字士友洛陽人官至臨江總管古隸學廬江太

守碑亦能篆

書史會要

李孟

李孟號秋谷至元中為平章政事字法道

馬瞰洛州

志

智受益

智受益鄧州南陽人以善書負時望至元中擢荆湖行
省都事終兩浙轉運使

鄧州志

張德琪

張德琪字廷玉燕人草書學張長史行書亦佳

書史會

要

牛麟

牛麟字伯祥太原人大字尤為時所稱美

書史會要

趙鳳儀

趙鳳儀字瑞卿號怡齋汴人官至京畿都漕運使練達

吏治善扁榜大字

書史會要

傅若金

傅若金字汝礪新喻人官至廣東廉訪照磨長於詩正

書學歐陽率更

書史會要

劉聞大

劉聞大

與歐陽玄同時

永新龍母吳氏墓銘太常博士劉聞大

書

圭齋集

許有壬

許有壬字可用其先居潁後徙湯陰延祐二年進士第

授同知遼州事至正十五年拜中書右丞轉集賢大學

士善筆札工詞章謚曰文忠

元史本傳

蘇天爵

蘇天爵字伯修真定人釋褐授大都路薊州判官改翰

林國史院典籍至正七年拜江浙行省參知政事九年為兩浙都轉運使為文長於序事詩尤得古法學者因其所居稱之為滋溪先生

元史本傳

天爵書學趙魏公

書史會要

王都中

王都中字元俞福之福寧州人以恩授南劍路順昌縣尹元統初以正奉大夫行戶部尚書兩淮都轉運使尋拜河南行省參知政事贈昭文館大學士謚清獻自號

本齋

元史本傳

都中以廉介自持為政簡而不煩大字似其為人小字

亦善

書史會要

王畝

甫田集
作哇

王畝字季野都中子官至成都路判官清峻有高譽真
行草師二王度越流輩

書史會要

張翥

張翥字仲舉

陶宗儀云
號硯菴

晉寧人以詩文知名一時至正

初召為國子助教以翰林學士承旨致仕

元史本傳

張翥蚤年書學鍾元常

書史會要

汪澤民

汪澤民字叔志婺源州人延祐五年登進士第授同知岳州平江州事至正三年召赴闕除國子司業與修史遷集賢直學士以禮部尚書致仕追封譙國公謚文節

元史本傳

澤民為文不事繪飾詩亦清婉尤以善書名家

潛溪集

貢師泰

貢師泰字泰甫寧國之宣城人泰定四年釋褐出身授太和州判官擢應奉翰林文字至正十五年除戶部尚書以文字知名

元史本傳

師泰楷書亦善

書史會要

台哈布哈

台哈布哈字兼善巴雅特氏初名達布哈文宗賜以今名年十七江浙鄉試第一明年賜進士及第授集賢修

撰至正十一年遷浙東道宣慰使追贈江浙行省平章政事封魏國公謚忠介善篆隸溫潤遒勁嘗重類復古編十卷攷正訛字於經史多有據云

元史本傳

台哈布哈篆書師徐鉉張有稍變其法自成一家行筆亦圓熟特乏風采耳常以漢刻題額字法題今代碑額極高古可尚非他人所能及正書宗歐陽率更亦有體格書史會要

烏克遜良楨

烏克遜良楨字幹卿號約齋元中書左丞字流麗在子

山伯機之間

程敏政篁墩集

余闕

余闕字廷心一字天心

青陽集云讀書青陽山自號青陽先生

廬州人元

統元年賜進士及第授同知泗州事俄召入應奉翰林

文字至正十七年拜淮南行省右丞追封幽國公謚忠

宣留意經術為文有氣魄詩體尚江左篆隸亦古雅可

傳元史本傳

余忠宣小字似不經意而豐處有褚遂良潦倒處有楊
景度林藻豈漫不留意於墨池者所能符合邪

紫桃軒

又綴

道通

道通高昌人自號石巖以世胄入官授直省舍人至正
十一年以平章政事行省江西加大司徒開府謚忠烈
元史本傳

道通工大字能作雙鉤書

書史會要

伯勒齊爾布哈

伯勒齊爾布哈字大用揚珠濟達氏授懷遠大將軍八番
宣撫司達魯噶齊至正二年拜江浙行省左丞相召還
除翰林學士承旨拜中書左丞相七年進右丞相追封
冀王謚忠宣

元史本傳

揚珠濟達善大字

書史會要

巴延布哈德濟

巴延布哈德濟字蒼崖

書史會要
作蒼崖

輝和爾氏高昌王孫

個儻好學初以父蔭同知信州路事又移建德路以功陞本路總管至正十七年擢江東道廉訪副使謚曰桓

敏

元史本傳

巴延布魯德濟鮮于太常甥草書似舅氏

書史會要

慶通

慶通字明德喀喇氏早以勲臣子孫受知仁廟至正二

十年拜陝西行省左丞相

元史本傳

慶通器量弘重政教宣著善大字

書史會要

達實特穆爾

達實特穆爾

陶宗儀作帖木兒

字九成入國學為諸生讀經史

悉能通大義尤好學書初以世胄補官為太府監至正

十五年為中書平章政事出為江浙行省左丞相陞右

丞

元史本傳

達實特穆爾能書大字學釋溥光小字亦有骨力

書史

會要

寶喇卜

寶喇卜字敬臣

陶宗儀云字惟中

號山齋輝和爾人順帝之師也

陶宗儀云官至集賢大學士

能詩文兼工大字每與張翥論文翥多

屈服

續弘簡錄

孟棡

孟棡字叔敬博學有為至正初當路舉以儒試吏遷處州專司學校調溫州以浙東宣慰副使僉都元帥府事致仕更名主一精篆書得者寶之

泰發無錫志

石巖

石巖字民瞻京口人官至縣尹隸書學韓尚書

書史會要

李敏中

李敏中字好古河南人官至陝西行省郎中工大字

書

史會要

張璠

張璠字公升保定人官至集賢大學士封滕國公早以

才學知名篆書亦淳古可取

書史會要

倪中

倪中字中愷信州人官至翰林待制正書端謹清潤書

史會要

高翼

高翼字茂之南陽人官至嘉興路推官正行草書皆從晉宋規矩中來但以不知六書偏傍時作謬字為識者

所鄙耳

書史會要

翼善書小楷做樂毅論精悍整飭在揭曼碩之下所傳

極少

六研齋筆記

汪從善

汪從善字國良杭州臨安人官至邵武路總管正書亦

合晉人紀律兼能大字

書史會要

任仁發

任仁發字子明號月山松江人

見畫家傳

官至浙東宣慰副

使書學李北海

劉璋書畫史

宗椿

宗椿字壽卿山東人官至江南行臺照磨書學王黃華

尤工大字

書史會要

余謙

余謙字峻山池陽人官至江浙儒學提舉善古隸

書史

會要

謝子龍

謝子龍字雲從力學無所不窺文章典實詩亦溫潤兼

工隸書至正中辟分教郡庠

林應標惠安縣志

孟昉

孟昉字天緯

書史會要作天暉

本西域人寓居北平至正中由

翰林待制官南臺御史工書法

續弘簡錄

劉楨

劉楨字廷幹燕南人官至福建行省參政能書

書史會

要

胡益

胡益字士弓鄱陽人官參知政事真草師趙魏公都下

碑刻多其所書

書史會要

羅元

羅元字迂仁平江人行楷有晉人風致

書史會要

錢良佑

錢良佑字翼之平江人吳興趙公巴西鄧公數引拔之
署吳縣儒學教諭已代去輒不復出晚自號江邨民人
因以江邨先生稱之古篆隸真行小草無不精絕

黃文

獻公集

錢良佑至正間以書學名家

甫田集

良佑行書高朗卓越風格不讓鮮于困學

六研齋筆記

張性之

張性之

錢良佑壻

好古博學暇則臨池日不下千餘字雖造

次顛沛一點一畫不苟駸駸逼翼之而窺古人之域

鐵

網珊瑚

吳壽民

吳壽民字仲仁與吳中文士倡和詩辭旨清麗書法道

美悉出錢良佑翼之所授也

甫田集

崔晟

崔晟工篆隸

徐一夔始豐棠

浦源

浦源長洲人至正間仕至大中大夫廣平路總管輕車都尉封京兆郡侯景德寺旁石刻乃源為同僉阿札刺室人童氏祠記其文宏博怪特字畫遒勁足為名家

蘇

州志

吳里

吳里字處仁號逸民錢塘人官至江陰州儒學教授草

書師鮮于太常

書史會要

劉惟一

劉惟一篆書朝元觀碑用筆古勁有碧落遺意

盛時泰

玄牘記

宣昭

宣昭字伯綱號艮齋漢東人有雅行博通古今尤精翰

墨正書師歐陽率更字字該備八法

書史會要

鄭杓

鄭杓字子經羅源人泰定中辟南安儒學教諭與陳旅
為文字友著衍極五篇衍極記載三篇其書自倉頡迄
蒙古凡古人籀篆以極書法之變皆在所論宣撫使齊
伯亨采而上之作衍極堂以藏其書

何喬遠閩書

鄭杓能大字兼工八分

書史會要

余襄

余襄番陽人工篆而大字尤善

書史會要

程君寶

程君寶灤源人草書有顛素之體

書史會要

王翼

王翼字元徽號華陽生金壇人有所篆四書行於世

書

史會要

應在

應在字止善句章人工篆嘗作篆隸偏傍點畫辨行於

世書史會要

吳炳

吳炳字彥輝汴人身安畎畝朝廷三聘不起工篆書

史會要

漢淮源廟碑漫漶不可讀杜昭守唐州乃延吳炳參用漢隸釋書舊文於石而刻之

兗州續藁

邊武

邊武字伯京隴西人行草專學鮮于太常時有亂真者

書史會要

邊定

邊定字文靜

邊武子

正書學宣昭亦稱善

書史會要

俞鎮

俞鎮字伯貞嘉興人官至建德縣尹行草師李北海書

史會要

董復

董復字君復沂州人居鎮江書學鮮于太常

書史會要

李申伯

李

闕其名

字申伯江右人官至集賢待制古隸專學孫叔

敖碑得方勁古拙之法

書史會要

林鏞

林鏞字叔大嘉興人官至江浙行省員外郎正書學虞

永興而未熟

書史會要

王務道

王務道字弘本山陰人古隸學孫叔敖碑

書史會要

吳志淳

吳志淳字主一曹南人

列朝詩集云歷官靖安都昌二尉簿除待制翰林

古隸

學孫叔敖碑

書史會要

洪恕

洪恕字主敬金華人元末避兵居松江能詩善行草書

以講授終

松江志

洪恕始學鮮于太常亦號能書後乃放乎法度之外無

足觀矣

書史會要

胡布

胡布字子申河南人

書學傳授云一字建民盱江人

有材氣善草書

書

史會要

胡布得書法於宋克或謂與宋克同受學於紹興老僧

解紺書學傳授

曹植

曹植字子學東平人善古隸

書史會要

陳遠

一作遠

陳遠字元達永嘉人官至崇文少監太子贊善志行修
整真草師二王不以規矩

書史會要

鄭禧

鄭禧字熙之吳郡人亦善書

書史會要

朱振

朱振字良玉番易人草學聖教序真師趙魏公

書史會

要

蔣惠

蔣惠字季和號紫芝山人番陽人博學多通機敏有幹行草師鮮于太常多晉人氣格

書史會要

楊遵

楊遵字宗道浦城人徙居錢塘篆隸皆師杜待制

書史

會要

王默

王默字伯靜一字子章松江人善談論喜讀書徵至京師書金字釋典擬官翰林力辭歸求書者填戶張天雨

稱其豪宕不羈有姜白石之風

松江志

王默書學趙魏公行筆甚健

書史會要

王餘慶

王餘慶字叔善婺州蘭溪人仕為江南行臺監察御史

以儒學名重當世

元史吳師道傳

餘慶草書學嶠正齋甚似

書史會要

王順

王順字祖孝餘慶子善正書

書史會要

繆貞

繆貞字仲素常熟人善篆隸真行書好古博識隱居不仕善八分小篆追踪張有正書尤高古致道觀虞山福地四篆字李烈士碑隸書其蹟也旁有正書題識尤佳所著有書學明辨

鄧穀常熟志

繆侃

繆侃字叔正

貞子

詩工玉臺小體書善楷隸

玉山草堂雅

集

鄔進禮

鄔進禮字行義武陵人書師趙魏公

書史會要

張體

張體字孟膚江陰人隸書時作顛掣勢蓋學李重光金錯刀法而行楷亦善又雙鉤書極純熟可喜

書史會要

陳睿

陳睿字思可會稽人學藝妍贍真楷宗智永

書史會要

唐志大

唐志大字伯剛如臯人多蓄古法書名畫行草落筆峻激畧無滯思

書史會要

曹永

曹永字世長松江人穎悟好學尤工八法至正間以蒙古字學進除安州學正官至巡檢江浙行省辟為宣使

松江志

曹永正書學鍾元常行草學二王

書史會要

黃中

黃中字彥美武林人草亦可尚

書史會要

歐復

歐復字伯誠番禺人善古隸

書史會要

易履

易履字安道茶陵人能草

書史會要

葛萬慶

葛萬慶廬山人居越中號越臺洞主能為詩務出人不

道語善草書酒酣落筆愈得其妙

書史會要

衛德辰

衛德辰字中立華亭人素以材幹稱書學舍利塔銘書

史會要

衛仁近

衛仁近字叔剛德辰姪楷書學黃庭經蘊藉有風致書

史會要

章弼

章弼字共辰松江人篤志經史識度清遠未十歲即能

扁鵲大字及長真行草篆皆師趙魏公

書史會要

陳德永

陳德永字叔夏黃巖人德望清重書宗李北海

書史會

要

范守中

范

闕其名

字守中黃巖人博綜羣籍才行高潔書師趙魏

公州里碑碣所書為多

書史會要

楊彝

楊彝字彥常錢塘人登進士第官至翰林編修篆隸正書咸可取

書史會要

楊惠

楊惠不知何許人嘗任江南行臺監察御史善大小二

篆

書史會要

龔觀

龔觀豫章人能篆

書史會要

陶煜

陶煜字明元號白雲漫士上虞典史贈承事郎福建江西等處行樞密院都事早歲學書於雪菴得其典則書史會要

陶復初

陶復初字明本號介軒老人台州儒學教授贈從事郎温州樂清縣尹小篆師徐張古隸師鍾梁書史會要

陶宗選

陶宗選一名文昭字晉生江洲等處儒學副提舉楷書

學歐陽率更

書史會要

盛熙明

盛熙明其先曲鮮人後居豫章清修謹飭篤學多材工翰墨亦能通六國書至正甲申嘗以所編法書考八卷進上覽之徹卷命藏禁中

書史會要

劉若水

劉若水字澹齋女直人喜弄觚翰

書史會要

劉堧

劉堦字公坦

陶宗儀云若水子

童時趙子昂賞其秀異書小齋

二字貽之遂自號小齋工詩文精書法恬放自守至正

間辟帥府照磨不久謝歸

列朝詩集

劉堦亦能篆

書史會要

蕭搏

書史會要作鵬搏

蕭搏字圖南本契丹人金王黃華甥博學多能詩書畫

皆追蹤舅氏

書史會要

甘立

甘立字允從河西人官至中書檢校才具秀拔亦善筆
札書史會要

鄂倫圖

鄂倫圖字克莊西夏人官至山南廉訪使以文章事
業著書蹟亦佳書史會要

薩都拉

薩都拉字天錫回紇人登進士第官至淮西廉訪司經

歷有詩名善楷書書史會要

布哈特穆爾

布哈特穆爾字兼善蒙古人官至江南行臺御史大夫

善大字

書史會要

喀喇布哈

喀喇布哈字普修伊囉勒昆人官至海北廉訪使篤志

墳籍至於百氏數術無不研覽書宗二王

書史會要

巴克實

巴克實字彥卿喀喇人官至禮部尚書行草宗晉人

書史

會要

榮僧

榮僧字子仁回紇人登進士第官至江浙行樞密經歷

楷書師虞永興

書史會要

烏蘭哈達

烏蘭哈達蒙古人官至淮南行省平章嘗奉勅書平徐

碑

書史會要

喜山

喜山字近仁輝和爾人官至集賢都事亦工書

書史會要

伊埒訥實哩

伊埒訥實哩字處元輝和爾人楷書學虞永興而不熟

書

史會要

瓜爾佳希顏

瓜爾佳希顏居江右小篆清勁有法

書史會要

馬九臯

馬九臯以字行回紇人官至太平路總管能篆書

書史

會要

馬九霄

馬九霄九臯弟亦能篆書

書史會要

松壑

松壑以字行蒙古人士夫間多推其書

書史會要

邊魯

邊魯字魯生鄴下人

見畫家傳

工古文奇字

書史會要

劉有定

劉有定字能靜

林承霖蒲陽詩編云號原範

莆田人能知六書之旨

書史會要

謝庭芝

謝庭芝字仲和號雪村善書詩亦工

常熟志

陳仁壽

陳仁壽字景禮上虞人應寫金字經

孔行素至正直記

舒頔

舒頔字道原績溪人至元丁丑辟池陽教諭至正庚寅

轉台州學正為詩蒼古不貴纖巧習字尤喜樸拙識者
曰宗漢隸非八法也名其齋曰貞素學者稱曰貞素先
生

列朝詩集

舒頔自作貞素先生傳云風清晝閑或篆隸數章意與
筆悟則快然自得雖不逮斯繇然時人亦莫予解

貞素

齋集

韓與玉

韓與玉浙人能書廼賢長於歌詩王子充善古文人目

為江南三絕 續弘簡錄

徐仁則

徐仁則字伯敬世為明之奉化大族早孤奉母鞠弟至行有聞於時家貧益自勵嗜字學有能名王公碩儒皆

慕重之 廼賢金臺集

桂梓

桂梓字材甫饒之安仁縣人幼而機敏不隨常見嬉狎

刻意工字畫 俟菴集

林春山

林春山號漫翁著草韻清臞峭勁精密妙巧盤旋迴幹

字字中度

黃洲四如先生文藁

趙杰

趙杰吳興人趙魏公之後行楷宗家學

劉璋書畫史

鄭琮

鄭琮字叔方書法得鍾繇筆意一時號能書

鄭玉師山

集

汪罕

汪罕官主簿工書善畫所至醉墨淋漓人爭取之以為

奇玩

師山集

陳穎達

陳穎達官太常善飛白書

陳高不繫舟漁集

王子玉

王子玉筆工也兼能書

周權此山集

上官叔權

上官叔權善篆隸

雪坡集

湯彌昌

湯彌昌字師言吳郡人博學能文初授長洲教諭鄱江

清獻兩書院長轉建寧路教授

袁易靜春集

湯彌昌善書

詹氏小辨

堵簡

堵簡字無傲能書畫為淞省掾

張紳元賢翰劉疏

王櫛

王補字公玉嵯縣人操行端慤能詩文且工篆楷

戴冠

紹興志

楊元正

楊元正吉水人官翰林檢討善行草書其隸法師蔡邕
為時所重

續弘簡錄

李康

李康字寧之桐廬人事母篤孝人稱李孝子工詩文旁
及書畫琴弈無不冠絕一時行省宰臣欲官之以母老

辭續弘簡錄

程大本

程大本雪樓文憲公子官至奉直大夫祕書監常與馮

道恭書度人經其父跋之劉璋書畫史

高暹

高暹蜀人

見書家傳

善草書

唐同天衛舒嘯集

申屠澂

申屠澂字敬仲諸暨人受業黃文獻公之門得其淵源

工古文辭精篆籀小楷足配秦晉

孫鑛紹興志

翟炳 王鼎 賈竹

翟炳字欽夫林州人詩效樂天體尤善楷書道勁可法
與同邑王鼎字大鼎賈竹字彥清俱工翰墨能詩隱居
不仕時稱林慮三隱人

續弘簡錄

柴貞

柴貞南和人為晉寧州學正善楷書古篆

崔濟遠南和

縣志

朱旭

朱旭字子陽為中顯校尉海道千戶不樂仕進退居田

間從士大夫遊通經史工小楷篆隸

太倉州志

成廷珪

成廷珪字元常興化人種竹數竿號居竹養母甚孝博

學工書

興化志

劉堪

劉堪字子興嘉善人至正間隱居讀書工文辭尤善古

隸

章士雅嘉善志

馮寅賓

馮寅賓屬文蒼古峭拔書法清勁逼鍾王

尹臺永新縣

志

王得貞

王得貞字義方霍州人至正間為懷慶路總管攻詩有

聲書得草聖之妙

山西通志

程棋

程祺字子相新城人日記萬言詩篇敏給工書欲與鮮
于樞抗衡孟頫相高下

王材江西新城志

楊剛中

楊剛中書篆間丘公祠記雖未足名家而能規模吳興
墨林快事

劉仁本

劉仁本

順帝時人

元至正修學記劉仁本撰書字意適娟清

脫甚可愛

墨林快事

范庸

范庸

順帝時人

謁司馬溫國公墓詩至元改元洞羊後學范

庸書

求古錄

趙穀

趙穀

順帝時人

謁中鎮崇德應靈王廟詩正元元年秋奉議

大夫太常禮儀院判官趙穀用宋太常博士陳綱韻并

書

求古錄

顧游

顧游

順帝時人

孔穎達碑螭首嵌空處有至正四年三月顧

游特看此碑墨書十二字積泥土中拭視如新

石墨錫

華

莊文昭

莊文昭

順帝時人

都城隍廟碑立於至正四年九月余闕撰

文莊文昭書

緇素錄

王敬方

吳鐸

王敬方吳鐸

順帝時人

至正七年褒封水記中奉大夫甘肅

等處行中書省叅知政事王敬方述并書中奉大夫江

南諸道行御史臺副御史吳鐸篆額

續吳郡志

葛禪

葛禪

順帝時人

大都崇國寺重建碑至正十一年大竹林寺

沙門雪澗法楨撰奉訓大夫中書刑部侍郎葛禪書

日

下舊聞

歐陽光

歐陽光

順帝時人

武畧將軍大都路都總管府判官宋侯墓

碑至正十四年翰林學士承旨歐陽光書

固安縣志

朱桓

朱桓

順帝時人

贈畫師朱叔重序至正十五年大梁朱桓書

鐵網珊瑚

劉彥明

劉彥明

順宗時人

魏泰咸陽懷古詩石刻至正二十年縣尉

劉彥明書

王家瑞咸陽金石遺文

御定佩文齋書畫譜卷三十八